
Na osnovu članka 23. Statuta Brčko Distrikta Bosne i Hercegovine, Skupštine Brčko Distrikta Bosne i Hercegovine na 19-oj sjednici održanoj 20. travanja 2001. god.

Z A K O N

O STATISTIČKOM BIROU BRČKO DISTRIKTA BOSNE I HERCEGOVINE

I - OPĆE ODREDBE

Članak 1

Ovim zakonom uređuje se osnivanje Statističkog biroa Brčko Distrikta Bosne i Hercegovine (u daljem tekstu: Statistički biro), organizacija, djelokruga rada, ovlaštenja, odgovornosti kao i ostala pitanja od važnosti za vršenje poslova statistike u Brčko Distriktu Bosne i Hercegovine (u daljem u tekstu: Distrikt). Statistički biro se financira iz proračuna Distrikta.

Članak 2

Poslovi statistike obuhvataju organizovanje i provođenje statističkih istraživanja od interesa za Distrikt kao i obavljanje razvojnih i stručno-operativnih poslova za provođenje statističkih istraživanja. Statistička istraživanja od interesa za Distrikt su statistička istraživanja od posebnog interesa za institucije Distrikta kao i za pravna i fizička osobe u Distriktu. Statistička istraživanja obuhvataju istraživanje pojava, izradu jedinstvenih metodologija, prikupljanje, obradu i analizu podataka, iskazivanje, publiciranje i prijenos podataka

Članak 3

Podaci i informacije dobiveni kao rezultat statističkih istraživanja predstavljaju zvanične podatke i obavezno se koriste pri utvrđivanju osnova i mjerila za utvrđivanje prava, obaveza i odgovornosti institucija, pravnih i fizičkih osobe u Distriktu.

Odnosi između Statističkog biroa i ovlaštenih institucija zasnivaju se na međusobnoj saradnji, obavještavanju i koordinaciji.

II – ORGANIZACIJA I OSNOVE FUNKCIONISANJA STATISTIČKOG BIROA

Članak 4

Statistički biro djeluje pod nazivom: “Statistički biro Brčko Distrikta Bosne i Hercegovine” i ima okrugli pečat koji sadrži tekst: “Bosna i Hercegovina, Brčko Distrikt Bosne i Hercegovine” kružno ispisan latiničnim i ćiriličnim pismom, sa riječima “Statistički biro” ispisan u sredini pečata, takođe na oba pisma,

Sjedište Statističkog biroa je u gradu Brčko.

Članak 5

Statistički biro je nezavisna stručna institucija i za svoj rad je odgovoran Skupštini Brčko Distrikta Bosne i Hercegovine (u daljem tekstu: Skupština Distrikta).

Statistički biro je u vršenju svojih poslova stručno nezavisan i rukovodi sa principima pouzdanosti, objektivnosti, relevantnosti, važnosti i statističke povjerljivosti.

Prilikom realizacije programa statističkih istraživanja zaposleni u Statističkom birou ne smiju tražiti niti primati instrukcije od institucija Distrikta, političkih stranaka ili bilo kojih interesnih grupa u vezi sa selekcijom izvora podataka, statističkih metoda i procedura, sadržaja, forme i vremena distribucije, kao i primjene pravila povjerljivosti.

Članak 6

Statističkim biroom rukovodi ravnatelj. U odsutnosti ravnatelja, zamjenika obavlja dužnosti ravnatelja.

Ravnatelja imenuje Gradonačelnik Distrikta uz saglasnost Skupštine. Mandat ravnatelja Statističkog biroa prihoda traje pet (5) godina, s tim da može biti ponovo imenovan na tu funkciju. U slučaju da ravnatelj podnese ostavku ili bude smijenjen sa dužnosti, Statistički biro će, do imenovanja novog ravnatelja, nastaviti da obavlja svoje dužnosti pod rukovodstvom zamjenika ravnatelja. Ravnatelj Statističkog biroa može biti razriješen dužnosti samo uz saglasnost Skupštine.

Ravnatelj donosi Pravilnik o unutarnjoj organizaciji i sistematizaciji koji odobrava Skupština.

Članak 7

Pojedina statistička istraživanja provode druge ovlaštene institucije u skladu sa zakonom.

Članak 8

Statistički biro u vršenju poslova koji se odnose na organizovanje i provođenje statističkih istraživanja, naročito:

- Priprema statističke programe,
- Vršiti pripreme za provođenje statističkih istraživanja,
- Utvrđuje jedinstvene metodološke osnove statističkih istraživanja,
- Vršiti obradu, analizu, tumačenje i objavljivanje rezultata statističkih istraživanja
- Stara se o usklađivanju sadržine evidencija, koje u okviru svoga djelokruga vode organi i organizacije javne uprave, sa potrebama statističkih istraživanja, daje inicijative i prijedloge za njihovu sadržajnu dopunu,
- Organizuje i osigurava davanje i razmjenu statističkih podataka i informacija korisnicima putem banke podataka,
- Daje saglasnost i vrši nadzor nad primjenom metodoloških postavki statističkih istraživanja koja organizuju i vrše nadležni organi i organizacije,
- Vršiti nadzor nad izvršavanjem obaveza statističkih jedinica utvrđenih programom statističkih istraživanja,
- Radi na razvijanju metoda i tehnike za iskazivanje rezultata statističkih istraživanja i zaštite podataka.

Članak 9

Prikupljene i preuzete pojedinačne podatke Statistički biro i ovlaštene institucije dužni su da kontroliraju, sređuju, čuvaju i međusobno razmjenjuju u najpogodnijem obliku i odgovorni su za formalnu točnost podataka i informacija i njihovo blagovremeno objavljivanje.

Članak 10

U cilju osiguranja uslova za organizovanje i provođenje statističkih istraživanja, Statistički biro i ovlaštene institucije dužni su da primjenjuju jedinstvenu metodologiju, klasifikacije, nomenklature i druge standarde.

Članak 11

Program statističkih istraživanja od interesa za Distrikt (u daljem tekstu: program statističkih istraživanja), donosi Skupština Distrikta, na prijedlog Gradonačelnika.

Članak 12

Programom statističkih istraživanja usklađuje se sadržina statističkih podataka sa potrebama, utvrđuje podjela rada i prava i obaveze učesnika u organizovanju i provođenju statističkih istraživanja.

Članak 13

Statistička istraživanja vrše se u vremenu određenom petogodišnjim i godišnjim programom statističkih istraživanja.

Petogodišnji program statističkih istraživanja sadrži: naziv, sadržinu i vrijeme provođenja i istraživanja, ko je dužan da daje podatke i u kom roku obaveze Statističkog biroa i ovlaštenih institucija u vršenju tog istraživanja, i rok do koga treba dati rezultate obrade.

Godišnji program statističkih istraživanja obuhvata i istraživanja koja nisu obuhvaćena petogodišnjim programom.

Petogodišnji i godišnji program statističkih istraživanja objavljuje se u "Službenom glasniku Brčko Distrikta BiH".

Članak 14

Pored istraživanja utvrđenih petogodišnjim i godišnjim programom statističkih istraživanja, Skupština može, na prijedlog Gradonačelnika, u toku godine donijeti odluku o provođenju statističkog istraživanja u cilju bržeg informisanja o stanju i kretanju neke pojave značajne za ekonomski ili društveni razvoj Distrikta, uz osiguranje uslova za njegovo provođenje.

Statističko istraživanje utvrđeno programom statističkih istraživanja ima prvenstveno pred drugim statističkim istraživanjima.

Članak 15

Popis stanovništva, popis poljoprivrednih gazdinstavka i druga velika statistička istraživanja reguliraju se posebnim zakonom.

Članak 16

Za svako novo statističko istraživanje donosi se posebna odluka kojom se bliže utvrđuju elementi istraživanja.

Odluku iz stavka 1. ovog članka donosi ravnatelj Statističkog biroa. Odluka se objavljuje u „Službenom glasniku Brčko Distrikta BiH“.

Članak 17

Statistički biro podnosi Skupštini Distrikta, najkasnije do 31. marta tekuće godine, godišnji izvještaj o izvršenju programa statističkih istraživanja u prethodnoj godini.

III – METODOLOŠKI OSNOVI STANDARDI STATISTIČKIH ISTRAŽIVANJA

Članak 18

Radi osiguranja vršenja statističkih istraživanja i mogućnosti povećanja i potpunijeg korištenja statističkih podataka u statističkim istraživanjima primjenjuju se jedinstveni statistički standardi i jedinstvena metodologija koje utvrđuje Statistički biro.

Metodologiju pojedinih statističkih istraživanja koje provode ovlaštene institucije utvrđuju te institucije po prethodno pribavljenom mišljenju Statističkog biroa.

Jedinstveni statistički standardi i jedinstvene metodologije za provođenje statističkih istraživanja objavljuju se u „Službenom glasniku Brčko Distrikta BiH“.

Članak 19

Sve institucije koje na osnovu zakonskog ovlaštenja propisuju evidencije koje služe kao izvor podataka za statistička istraživanja, dužni su zatražiti od Statističkog biroa mišljenje o metodološkim osnovama tih evidencija.

Mišljenje iz stavka 1. ovog članka Statistički biro dužan je dati u roku od 10 dana.

IV – PRIKUPLJANJE, OBRADA I ČUVANJE PODATKA

Članak 20

Radi izvršavanja programa statističkih istraživanja Statistički biro ima pravo da prikuplja podatke iz svih postojećih izvora.

Statističke jedinice dužne su dostavljati Statističkom birou sve tražene podatke utvrđene programom statističkih istraživanja, odnosno zakonom. Statističke jedinice, u smislu ovog zakona, su sva fizičke osobe i pravne osobe i institucije Distrikta koje su programom statističkih istraživanja utvrđene kao davatelji podataka.

Članak 21

Kod prikupljanja podataka statističke jedinice moraju biti upoznate sa:

- namjenom, obima i načinom prikupljanja,
- pravima i obavezama osoba koja prikupljaju podatke i
- sadržajem identifikacionih i drugih obilježja koja su predmet prikupljanja.

Članak 22

Statističke jedinice dužne su Statističkom birou i ovlaštenim institucijama dati, u određenom roku i bez naknade, potpune i tačne podatke o pojavama koje su utvrđene kao predmet statističkih istraživanja i da im omoguće provjeravanje datih podataka.

Ravnatelj Statističkog biroa uputstvom će propisati način dostavljanja podataka od strane statističkih jedinica u roku od 30 dana od dana stupanja na snagu ovog zakona.

Članak 23

Povezivanjem podataka iz službenih evidencija i registra sa podacima prikupljenim statističkim istraživanjima Statistički biro vodi i održava svoje statističke registre.

Podaci iz statističkih registara ne smiju se davati korisnicima u obliku i na način koji omogućava identifikaciju izvještajne jedinice na koju se ti podaci odnose.

Članak 24

Prikupljeni podaci čuvaju se od strane Statističkog biroa i ovlaštenih institucija u skladu sa standardima i na način koji omogućava njihovo davanje i iskazivanje u propisanom obliku.

V – ZAŠTITA, KORIŠTENJE I DAVANJE PODATAKA

Članak 25

Podaci koji su prikupljeni, obrađeni i uskladišteni za potrebe statistike Distrikta su povjerljivi i smatraju se službenom tajnom kada omogućavaju da statističke jedinice budu identifikovane od strane trećih osobe, bilo direktno ili indirektno i na taj način otkrivaju individualne informacije.

Statistička jedinica se direktno identifikuje imenom i adresom ili putem službeno dodijeljenog i opće poznatog identifikacionog broja.

Indirektna informacija znači mogućnost da se odredi identitet statističke jedinice iz informacije koja nije ona koja je pomenuta u stavu drugom ovog članka. Da bi se odredilo da li se statistička jedinica može indirektno identifikovati, uzimaju se u obzir sve mjere koje se na razuman način mogu koristiti da bi se identifikovala statistička jedinica.

Članak 26

Ravnatelj Statističkog biroa, odnosno starješine ovlaštenih institucija mogu, pored podataka koji predstavljaju službenu tajnu iz članka 25 ovog zakona odlučite da se kao službenom tajnom smatraju i drugi statistički podaci koji se odnose na pojedina preduzeća i druga pravna osobe čije bi objavljivanje ili saopštavanje moglo da ima štetne posljedice na te subjekte.

Davaoci podataka, ako su svojim aktom proglasili službenom tajnom podatak koji je predmet statističkih istraživanja, dužni su na to upozoriti osobe ovlašteno za prikupljanje podataka, odnosno pismeni izvještaj dužni su to učiniti na obrascu kojim se dostavlja takav podatak.

Članak 27

Licima ovlaštenim za prikupljanje ili za provjeravanje prikupljenih podataka u okviru statističkih istraživanja, Statistički biro ili ovlaštene institucije, dužni su izdati pismeno oštenje.

Lica iz stavka 1. ovog članka prikupljene podatke ne smiju nikom davati niti saopštavati.

Članak 28

Statistički biro i ovlaštene institucije mogu na osnovu pismenog zahtjeva dati podatke koji omogućavaju identifikaciju izvještajne jedinice, i to:

- izvještajnim jedinicama na koje se ti podaci odnose,
- organima države Bosne i Hercegovine u skladu s propisima koje su usvojili nadležni državni organi,
- nosiocima javnih ovlaštenja u cilju uspostavljanja službenih i administrativnih zbirki podataka kao što su evidencije, registri, baze podataka i slično, a koji se odnose na obavljanje funkcija utvrđenih zakonom.

O davanju podataka iz stavka 1. ovog članka vodi se evidencija i to: kome je podatak dat, u koju svrhu i sadržinu datih podataka.

Dobivene podatke korisnici ne smiju davati drugim korisnicima, a mogu ih koristiti isključivo u svrhu za koju su ih pribavili.

Članak 29

Statističke podatke, koji su rezultat izvršavanja programa statističkih istraživanja objavljuje Statistički biro.

VI – KAZNENE ODREDBE

Članak 30

Novčanom kaznom od 500,00 KM do 2.000,00 KM kaznit će se za prekršaj statistička jedinica, ako za potrebe statističkih istraživanja istraživanja, utvrđenih na osnovu ovog zakona, ne dostavi statističkom birou i ovlaštenim institucijama tražene podatke u propisanom roku ili dostavi nepotpune ili netačne podatke ili onemogućiti provjeravanje dostavljenih podataka.

Novčanom kaznom od 300,00 KM do 500,00 KM kaznit će se za prekršaj iz stavka 1. ovog članka i odgovorno osobe u statističkoj jedinici.

VII – PRELAZNE I ZAVRŠNE ODREDBE

Članak 31

Do uspostavljanja Statističkog biroa, sve njegove funkcije privremeno će obavljati Uprava prihoda Distrikta.

Ravnatelj Uprave prihoda će, u roku od 30 dana od dana stupanja na snagu ovog zakona, donijeti Pravilnik o razvrstavanju poslovnih subjekata prema standardnoj klasifikaciji djelatnosti i Uputstvo o načinu određivanja matičnog broja.

Članak 32

Statistički podaci, koji su rezultat istraživanja programa statističkih istraživanja, a čine dio podataka koji se agregiraju na nivou države Bosne i Hercegovine, odnosno koji služe za udovoljavanje međunarodnih obaveza, dostaviće se nadležnom državnom organu za statistiku.

Članak 33

Ovaj zakon stupa na snagu danom objavljivanja u “Službenom glasniku Brčko Distrikta Bosne i Hercegovine”.

Broj: 0-02-022-206/01
Brčko, 20. travanj 2001. god.

PREDSJEDNIK
SKUPŠTINE BRČKO DISTRIKTA

Mirsad Đapo, dipl. pravnik v.r.
